

Universitätsbibliothek Paderborn

**Antonii Mariae Gratiani A Burgo S. Sepulchri Episcopi
Amerini De Vita Joannis Francisci Commendoni Cardinalis
Libri Quatuor**

Graziani, Antonio Maria

Parisiis, 1669

Cap. IX. De nova legatione, & profectione ejus in Poloniam.

urn:nbn:de:hbz:466:1-9616

*De nova legatione, & profectione ejus
in Poloniam.*

C A P U T I X.

CAUSA properandi in Poloniam Commendono fuit, quod & rumor in dies percrebrescebat, & multorum afferebantur litteræ, Augustum Regem veteri suâ repudiandæ vxoris cupidine agitatum nova per hæreticos moliri consilia, nobilem puellam insigni formâ è sororis gynæceo abductam se posuisse, & per absentiā vxoris liberiūs jam novo conjugio viam sternere. Nam Regina, ut suprà demonstratum à nobis est, cùm nullis precibus suis, suorūmque impetrare à viro potuisset, ut in domum, conjugalēmque convictum reciperetur, pertæsa contumelia excesserat Regno, sēque in Austriam ad Maximilianum, fratrēsque contulerat, atque Lintzii in fraternæ ditionis oppido, cultu modico, & paulò supra privatæ vitæ modum agebat, cùm præsenti mœrore, ac sollicitudine afflita, tum anxia futuri, nec effrænata Regis cupiditatis, nec eorum quæ tum maximè moliretur, ignara. Cùm secundo Istro navigans Viennam descenderet Commendonus, Lintziūmque visendi causâ Reginam appulisset; (est enim in ripa fluminis situm) illa multis cum lacrymis, precibúsque se ei, famam, salutēmque suam commendaverat, quæ-

Oo

que de novis Regis adversum se machinationibus cognoverat, edocuerat. Quidam studio assentandi, sequi in Regis gratiam insinuandi, sopia-
tam spem ejus exsuscitaverant iterum, & cui rei
vehementer Commendonus se semper objec-
rat, eò adduxerant, vt & litteras ad Pontificem
Maximum tentandi causā animum ejus daret, &
litteras secuturi mox Legati fuerint, qui sterili-
tatem Reginæ, inopiam liberorum, necessitates
Regni, populorum studia, precésque afferentes,
dirimi matrimonium postularent. Profectus igi-
tur Commendonus ad v. Kal. Decemb. maximè
sævo anni tempore, agrè superatis nivibus, quæ
in frigidissimis regionibus omnia tenebant, in
Poloniā pervenit. Et quanquam multi Princi-
pum ex veteri amicitia affines illi testandæ be-
nevolentiae, atque officii causā præsto fuerunt, à
quibus pleraque de præsenti statu rerum accepit;
tamen antequam pergeret ad Regem, qui Var-
sovianæ in Regno erat, substitit apud Petricoviam,
simul corporibus suo, suorūmque ex longinqui,
maximèque incommodi itineris labore reficien-
dis; simul quò certius omnia exploraret, om-
niūmque gnarus in Regiam veniret. Interea qui
salutem Regi, adventūmque suum nunciarem,
multaque, quæ antè statuenda, præparandaque
erant, curarem, Varsoviam me antecedere jussit.
Omnibus demum satis exploratis, comparatís-
que, ipse aliquot post dies advenit omnibus ho-
noribus, qui deberi ejus fastigii viro videbantur,

ms. fines

acceptus, cultusque cum à Rege ipso, tum à Principibus gentis. Et Rex quidem quamvis ex recenti morbo infirmus, & podagræ doloribus ægrè pedibus consistens, tamen intranti Regiam scipione nixus per scalarum gradus occurrit, comiterque congressus, ei latere dextero honoris gratiâ cessit, atque inde quoties aut in Regia, aut in templo congressi sunt, semper eum supra se collocavit. Jam antè ad primos adventantis ejus nuncios constituerat Rex cœptis de divortio consiliis tantisper, dum adefset Commendonus, absistere, atque omnem rei mentionem opprimere, satius ratus, quia non diu moraturus in Regno credebat, discessum ejus opperiri, expertus antea quām cum acri matrimonii propugnatore res sibi futura esset. Et tum implicitus amore vulgaris scorti, facilius novarum nuptiarum dilationem erat toleratus, & affectâ valetudine, in ægro, & vitio corpore etiam cupiditates animi languidius commovebantur. Sed Commendonus rem in præcipiti cernens; quippe designatos Legatos, qui Romam mitterentur, Cæsarem ipsum, ne adversaretur, lactatum spe oblatâ vnum è liberis ejus adoptandi, præparatos hæreticos, totam denique rem, ut usus posceret, instructam, compositamque esse, nihil sibi statuit dissimulandum, ac tempore apto ingressus, quæ rumoribus differuntur, quæque ad se multi detulissent, Regi ostendit, eadémque illa, quæ aliquot ante annis apud eum de matrimonii jure, ac sanctitate disseruerat, re-

Oo ij

petiit, ac frustra adiri Pontificem, frustra vias, rationésque exquiri in re, quæ humanâ ope expediti non posset, monuit; nec mortalium quemquam libentiūs, studiosiúscque navaturum ei operam fuisse, nisi res esset hujusmodi, quæ exitum habere nullum posset; & ipsum, licet multas gentes, populósque imperio suo contineret, meminisse tamen debere, se hominem esse, & Reges humanis fortasse legibus exsolui posse, at diuinis iussis perinde ac reliquos mortales teneri. Proinde liberaret animum suum, cogitationémque, cui par non esset, & quā in nullam spem dies, noctésque nequicquam cruciaretur, aliquando abjiceret. Ac Rex quidem ea negans vera esse, quæ de Legatis, déque adoptione circumferrentur, rumorem omnem ex suorum ait studio ortum, à quibus ipse assidue sollicitaretur, ut liberorum procreandorum curam susciperet; iis se dare verba, eorūmque solari desideria sèpè cogi. Cæterūm sibi in animo esse infelicitatem suam patientiâ vincere, quando solus eâ miseriâ premeretur, quæ remedii expers esset. Apparebat neutrum his contentum fore, quæ dicebantur, ni rem haud dubiè in publicum malum erupturam discussisset tandem Deus, illis ipsis fortè diebus allato nuncio, Reginam mortem obiisse, quam curis, ac dolore fessam, cuius vindex existeret nemo, repentinus morbus oppressit. Tum Rex atrata in veste, maximéque pannosa ingentem luctum præferens prodiit, & apud ipsum Com-

mendonum fœminæ probitatem, innocentiamque testatus, etiam fortunam ejus, quam ipse fecisset, profusis lacrymis est miseratus; quas tamen lacrymas nemo erat, qui veras putaret. Cui enim credibile videretur, quam nuper non contentus conjugali toro, domo, Regno exegisse, ipso quoque matrimonio dejicere, vel vitæ suæ, Regnique discrimine moliebatur, ejus extinctæ desiderio commoveri? At ipse & nuncium mortis, & funeris diem non mœrore solùm, ac lugubri cultu, sed propè muliebri fletu est prosecutus; & quod haud minus mirere, nulla jam amplius tum ab ipso, tum ab suis audita novarum nuptiarum mentio est, nulla procreandorum liborum, nulla firmandi in familia Regnum, quæ ante alternis propè verbis jactabantur: sive concubinæ, quam nuper in Regiam transtulerat, blanditiis delinitum, ejusque amori deditum novi conjugii pœnitere cœperat: sive hoc inest humano ingenio vitium, ut ad verita impotenti im- petu feratur, eadem adepta contemnat.

Actio cum Rege, & Polonis de fædere.

C A P U T X.

DE Turcico bello, deque jungendis adversus eam gentem armis egit vehementer cum Rege Commendonus, multaque quæ apta
Oo iij